

之。将来成书时，费用不继，容再商酌。此函乞便寄黄太守与局中人公阅为幸。

复黎召民京卿

光绪七年四月二十五日

各生密考，精当之至。方伯谦暂署蚊船管驾，洋弁颇称其能。林永升、叶、祖圭拟俟山东新购蚊船到津，派充管驾，黄建勋、林颖启派带水雷军队，随洋弁教习，冀可有成。至扬则哲等七生、学力尚浅，尊论均不足培成大器，只可留备新派用。承续派管轮七员、学生二名，何时可到？管炮既无熟手，姑从缓议。山东蚊船须六、七月乃来，届时或由旧船匀拨留洋兵照料可耳。春帆宿恙增剧，力辞差使。此间创办水师学堂，练船需人接替，适惟允过晤，已奏派是差。吉林三姓宁古塔防务，清卿甫经奉旨督办，尚未议及船厂，且亦无此巨款也。惟允所带制造、绘图两学生，拟交大沽船坞差遣。威远船闻已北来，途中搁浅，在沪修理，未到济安，暂调赴浙，不日想亦赴津。英厂碰快船月内启行，将来拟在旅顺口扼扎。老营非多得数船并成一小枝，不足张海上声势。若连直东蚊快及各兵船计之，约共十余号，可渐成军。乞公留意，檄催该二船速行，并将口粮，名册咨送接发为幸。外洋贸易招股已齐，何时开办？侯官铁矿与瑞国略同，极为难得。罗臻禄等试办，当有把握。拟令何人督工？如已定议，敝处二万金可汇付。船厂及南北机器局需用生熟铁甚多，洵为当务之急。惟购器安炉闻须本银二、三十万。一时能集事否？唐景星初议开平煤铁并采，今连开河筑路已用去七十万，仅可日出煤数百吨，疑其用人立法未尽核实，故此事尤以得人为要义也。尊处快船开工，而经费未能济用，殊为系念。粤海关欠解北洋额税极多，素习疲玩，南洋可另筹拨否？学生出洋比当定议矣。鸿章于

三月二十日入都叩谒东圣梓宫，适有会商事件。四月望始回。

复左相

光緒七年五月初三日

拟加洋药厘税节略较前示更为详明，各口厘捐如何加法尽可由我自主，不必谋之外人。但华洋商人交手后，捐愈重则偷漏愈多，所以必须中外会议允协，或由香港派员収分拨，或由各口新关总收，渗漏较少。威使覲定此旨，故作刁难，实为狡滑，非真糊途也。鸿章回津后，适有英外部专人赴威使处，探询中国岁销洋药确数，欲就商添包税厘之法，来谒时，业将尊意索加数目告知，彼谓回英与印度部商及。昨琼州镇彭玉过谒，据称由香港来，亦闻英官与华商议设公司，包加各省税厘，未卜果有成局否？此事非英人画诺，实力帮助，恐终无实济耳。贵部亲军与閔青方伯一营均报行次涿州永济桥内外，于沙挑移不易，劳苦可念。大旆尚拟前往察勘，能否缓俟秋凉，直属水患除？永定河在夹墙中行，非另辟河道，别无治法。此外则自滹沱改道后，泛滥于河间，任邱、文安、大城各属为害较烈。顷在献县开数十里减河，使于中途引归子牙正河。又大清下游壅淤，令在文霸境内挑浚丈余，今秋当易归壑，皆仅择要为之。据省局司道勘详，上游应浚之工以雄县清河、蠡高、瀘龙河为最，容即钞咨冰案。惟该两河淤曲太甚，工段太长，似非兵夫二千人所能克期图功。若募民夫协挑，需费尤巨，无可筹措。目下伏汛将届，亦非其时，乞大才通筹全局，就近商请恭、醇两邸指示为幸。保安大屯村，骡夫毙命，经王守查办正法，真仰纪律严明，钦佩奚似。沅翁回湘，尚无来信。闻其过鄂足疾渐瘳。顷栗诚枢眷附轮南旋，心绪当益恶劣。